



EXPERIENCE OF SOME FOREIGN COUNTRIES TO PREVENT AND EXPOSE THEFT FROM HOUSING

Odilbek L. Urinov

lecturer, independent researcher, captain

Ministry of Internal Affairs Academy of the Republic of Uzbekistan

Tashkent, Uzbekistan

ABOUT ARTICLE

Key words: preventive measures, operational-search measures, operational units.

Received: 28. 06. 24

Accepted: 30. 06. 24

Published: 02. 07. 24

Abstract: The article explores the experience of the United Kingdom, Germany, Turkey, China, Ukraine, Kazakhstan, Russia, Kyrgyzstan, Tajikistan, Belarus in preventing and exposing the crime of theft from housing, and develops substantiated proposals and recommendations.

УЙ-ЖОЙДАН СОДИР ЭТИЛАДИГАН ЎҒИРЛИКНИ ОЛДИНИ ВА ФОШ ЭТИШНИНГ АЙРИМ ЧЕТ ЭЛ ДАВЛАТЛАР ТАЖРИБАСИ

Одилбек Л. Ўринов

ўқитувчи, мустақил тадқиқотчи, капитан

Ўзбекистон Республикаси ИИВ Академияси

Тошкент, Ўзбекистон

МАҚОЛА ҲАҚИДА

Калит сўзлар: профилактик чора-тадбирлар, тезкор-қидирув тадбирлари, тезкор бўлинмалар.

Аннотация: Мақолада уй-жойдан содир этиладиган ўғрилик жиноятини олдини олиш ва фош этишнинг Буюк Британия, Германия, Туркия, Хитой, Украина, Қозоғистон, Россия, Қирғизистон, Тожикистон, Беларусь каби давлатларининг тажрибаси ўрганилиб, асослантирилган таклиф ва тавсиялар ишлаб чиқилган.

ОПЫТ ОТДЕЛЬНЫХ ЗАРУБЕЖНЫХ СТРАН ПО ПРЕДОТВРАЩЕНИЮ И РАСКРЫТИЮ КРАЖ, СОВЕРШЕННЫХ ИЗ ЖИЛОГО ПОМЕЩЕНИЯ

Одилбек Л. Уринов

преподаватель, независимый исследователь, капитан

Академия МВД Республики Узбекистан

Ташкент, Узбекистан

О СТАТЬЕ

Ключевые слова: профилактические мероприятия, оперативно-розыскные мероприятия, оперативные подразделения.

Аннотация: В статье изучен опыт таких стран, как Великобритания, Германия, Турция, Китай, Украина, Казахстан, Россия, Кыргызстан, Таджикистан, Беларусь по предупреждению и раскрытию преступлений, связанных с кражей со взломом жилья, и разработаны обоснованные предложения и рекомендации.

КИРИШ

Ички ишлар органлари тезкор бўлинмаларининг уй-жойдан содир этиладиган ўғирликни олдини олиш ва фош этиш фаолиятини яхшилашда хориж тажрибасини ўрганиш ҳам зарур ҳисобланади.

Уй-жойдан содир этиладиган ўғирликни олдини ва фош этишда бошқа давлатларнинг полиция (ички ишлар) органлари, давлатнинг бошқа ҳуқуқни муҳофаза қилувчи органлари, жамоатчилик тузилмалари билан самарали ҳамкорлик ўрнатиш талаб этилади. Боиси, бугун дунёда уй-жойдан содир этиладиган ўғирлик жисмоний ва юридик шахсларнинг шахсий (хусусий) мол-мулкига қаратилган энг хавфли қилмишлардан бирига айланмоқда.

АСОСИЙ ҚИСМ

Буюк Британияда йилига умумий жиноятларнинг қарийб 70 фоизини (1 млн. 200 минг) мулкий турдаги жиноятларни ташкил этиб, шундан ўртача 550-590 мингга яқини уй-жойлардан содир этиладиган ўғирлик жиноятининг улушига тўғри келади. Ушбу жиноятларнинг фош этиш кўрсаткичи ҳар йили 15-20 фоизни ташкил этади[19]. 2022 йилда Буюк Британия дўконларидаги (*сарпёг, пишлоқ, кир ювиш кукуни*) ўғирликлар сони йил давомида 18 фоизга ошган. Бунга энергетика инқирозининг кучайиши оқибатида фуқароларнинг турмуш даражасининг пасайиши, шунингдек, мамлакатда инфляциянинг ўсиши сабаб бўлган[20].

Мазкур жиноятларнинг олдини олишда бирлашган қиролликнинг ҳукумати томонидан жисмоний ва юридик шахслар ўз мол-мулкининг хавфсизлигини таъминлаш юзасидан тарғибот ва ташвиқот ишлари (масалан, жисмоний ва юридик шахслар шахсий маблағи ҳисобидан ховлилар, кўп қаватли уйлар, корхоналар, ташкилотларнинг кириш жойини тунда ёритиш, кузатув камерасини ўрнатиш, манфаатли иш ўринлари ярмаркасини ташкил этиш, аҳолининг ҳуқуқий маданиятини ошириш ва бошқ.)[1] амалга оширилади.

Буюк Британияда тезкор-қидирув фаолиятини амалга оширувчи Лондон полицияси (Skotland-Yard); Миллий жиноятчиликка қарши курашиш бошқармаси; Шотландия жиноятчиликка қарши курашиш бошқармасининг тезкор бўлинмалари томонидан

2000 йилда қабул қилинган “Қидирув ваколатларини тартибга солиниши тўғрисида”ги Акт, шунингдек, тезкор бўлинмаларнинг фаолиятини тартибга солувчи махсус ҳуқуқий ҳужжатларга биноан уй-жойдан ўғирлик жиноятини содир этган шахсларга нисбатан кузатув; аудио ва видеоёзувларини назорат қилиш; текшириш учун харид қилиш; жиноий муҳитга тезкор киритиш; маълумотлар тўплаш тезкор-қидирув тадбирлари ўтказилиб, айбдорнинг қилмиши иш учун аҳамиятли бўлган далилий ашёларни тўплаш орқали исботланади[14].

Германияда йилига ўртача 2,7 – 3 млн. жиноятлар қайд этилиб, шундан ўртача 2,11 млн.ни мулкӣ турдаги (*асосан ўғирлик ва талончилик*) жиноятларининг хиссасига тўғри келади.

Мазкур жиноятларнинг олдини олишда Германия ҳукумати томонидан жисмоний ва юридик шахслар ўз мол-мулкнинг хавфсизлигини таъминлаш юзасидан ҳуқуқий тарғибот, ташвиқот ишлари амалга оширилиб, тезкор-қидирув фаолиятини амалга ошириш ваколатига эга бўлган Германия Ички ишлар вазирлигининг Федерал жиноий полиция бошқармаси ва унинг ҳудудий бўлинмалари томонидан 1987 йил 7 апрель кундаги “Жиноят-процессуал кодекси”га биноан уй-жойдан содир этилган ўғирлик жиноятини содир этган шахсларга нисбатан тезкор-қидирув тадбирлари амалга оширилади.

Фуқароларнинг конституциявий ҳуқуқлари ва эркинликларини чеклайдиган тезкор-қидирув тадбирлари ўтказилиши лозим бўлганида ваколати суднинг санкциясини олиш, кечиктириб бўлмайдиган вазиятларда тезкор-қидирув тадбирлари ўтказиш зарурати юзага келганда прокурорнинг рухсати асосида тадбир ўтказилиб, белгиланган муддат ичида суддан санкция олиниши [12] талаб этилади.

Европа мамлакатларида уй-жойдан содир этиладиган ўғирликни олдини ва фoш этишда маҳаллий полиция таянч пунктларида хизмат қилаётган ходимлар ва кўнгилли фуқаролар билан биргаликда тунги вақтларда муайян йўналишлар бўйича патруллик хизматини амалга ошириш; барча маъмурий ҳудудларда тунги ёритиш чироқлари ҳамда кузатув мосламаларини етарлича миқдорда ўрнатиш; уй-жойдан содир этиладиган ўғирликни олдини ва фoш этишда ҳукумат томонидан ишлаб чиқилган дастур асосида аҳоли орасида тарғибот тадбирларини, шу жумладан аҳолига мол-мулкни эҳтиёт қилиш мазмунидаги эслатма ва буклетлар тарқатиш кабиларни мисол келтириш мумкин[2; 15; 18].

Туркия Республикасида уй-жойдан содир этиладиган ўғирликни олдини олишда маҳаллаларда аксиялар уюштирилиб, аҳолига мазкур салбий иллатга самарали қарши курашиш усуллари ўргатилади.

Ушбу тадбирда иштирок этган шахслар кейинчалик ўрганган усулини оила аъзоларига тарғибот-ташвиқот қилиш орқали уй-жойдан содир этиладиган ўғирликни

барвақт олди олиниб, ҳудудларнинг барча нукталарида ўрнатилган кузатув камераларни мониторинг қилиш асосида мазкур жиноятлар фош этилади[13].

Хитой Халқ Республикасида уй-жойдан содир этиладиган ўғирликни олдини олишда ҳуқуқбузарликлар профилактикасини амалга оширувчи давлат органлари ва Полиция ходимлари билан ҳамкорлида умумий ва махсус профилактик тадбирлар амалга оширилиб[21], мазкур жиноятни “иссиқ изи”дан фош этишда жамоат хавфсизлиги хизматлари ходимлари томонидан тезкор-қидирув тадбирлари ўтказилиб, асосан ҳудуддаги криминоген ва ижтимоий вазиятни доимий равишда назорат қилувчи барча кузатув камераларни мониторинг қилиш тизими асосида, шунингдек, гувоҳларнинг аниқ кўрсатмаси ҳамда ашёлар, нарсалар ва шахсга оид маълумотларнинг базасидан фойдаланиб, уй-жойдан содир этиладиган ўғирлик самарали фош этилади.

Мустақил давлатлар ҳамдўстлигига аъзо бўлган айрим давлатларнинг ҳудудида содир этиладиган уй-жойдан ўғирликнинг олдини ва фош этиш фаолияти ўрганилганда, жумладан, Қозоғистон, Россия, Қирғизистон, Тожикистон, Беларусь каби давлатларнинг ички ишлар (полиция), жамоат хавфсизлиги, ҳуқуқбузарликлар профилактикаси, тезкор хизмат ходимлари томонидан биринчи навбатда умумий, махсус тезкор-қидирув профилактик тадбирларни; тезкор-қидирув тадбирларини самарали ташкил этиш, ўтказишга; зарур тергов ҳаракатларини ўтказишга; тезкор-қидирув фаолиятига кўмаклашувчи шахс сифатида жалб этилган махфий манбалардан олинган агентура маълумотларни синчковлик билан текширишга; жамоат жойлари ва бошқа жойларда ўрнатилган юқори мегапикселли видеокузатув мосламаларнинг тезкор хотирасида мавжуд аудио видеоёзувлардан унули фойдаланишга; уй-жойдан содир этиладиган ўғирликни содир этилиш вақтида шохид ёки гувоҳ бўлиб қолган шахсларни аниқлаш орқали уларнинг муҳим кўрсатмаларидан фойдаланишга; Ички ишлар (полиция), Жамоат хавфсизлиги тизимида фаолият кўрсатаётган бошқа хизматлардан олинган тезкор маълумотлардан фойдаланиб, мазкур жиноят ўз вақтида, “иссиқ изи”да самарали фош этилишга катта эътибор берилиши ўрганишлар жараёнида аниқланди[22; 23].

Украина Республикасида уй-жойдан содир этиладиган ўғирликни олдини олишда полиция тизимининг соҳавий хизматлари ва профилактик ишларни амалга оширувчи ваколатли бошқа субъектлар томонидан умумий ва махсус (комплекс дастурлар асосида), яқка тартибдаги профилактик тадбирлар амалга оширилиб, мазкур жиноятни фош этишда полиция органларининг тезкор бўлинма ходимлари томонидан Украина Республикаси “Тезкор-қидирув фаолияти тўғрисида” қонунида назарда тутилган сўров; ноқонуний хатти-ҳаракатлар фактларини аниқлаш ва ҳужжатлаштириш учун мулкчилик шаклидан қатъи

назар, жисмоний ва юридик шахслардан эркин муомаласи тақиқланган товарлар, предметлар ва ашёларни назорат остида ва тезкор харид қилиш; жиноий ҳуқуқбузарлик содир этган шахсларни қўлга олиш; Украина Жиноят-процессуал кодекси қоидаларига мувофиқ шахсни аудио ва видео назоратини ўтказиш, электрон алоқа тармоқлари, электрон ахборот тармоқларидан маълумотлар олиш; Украина ЖПКга биноан шахсни, нарсани, жойни кузатиш, шунингдек, жойни видеокузатиш; юридик ва жисмоний шахслардан, жиноий ҳуқуқбузарликлар, шу жумаладан жамият ва давлат хавфсизлигига таҳдид тўғрисида бепул ёки пуллик маълумот олиш”[10] каби тезкор-қидирув тадбирлари ўтказилиб мазкур жиноятлар фош этилади.

Қозоғистон Республикасида уй-жойдан содир этиладиган ўғирликни олдини олишда полиция хизмати, билан миллий гвардия ходимлари, шунингдек ҳокимият органи билан ҳамкорлигида кенг қамровли комплекс равишда умумий профилактик тадбирлари, профилактика инспекторлари томонидан эса уй-жойдан содир этиладиган ўғирликни содир этишга мойил бўлган шахслар билан яқка тартибда[7] профилактик чора-тадбирлар амалга оширилиб, тезкор қизиқиш уйғотувчи шахс билан Қозоғистон Республикаси “Тезкор-қидирув фаолияти тўғрисида”ги қонунига биноан *умумий тезкор-қидирув тадбирлари*: шахсни сўров қилиш; тезкор-қидирув фаолиятида фойдаланишда фуқаролар билан ошкора ва ноошкора муносабат ўрнатиш; киритиш; жиноят фаолиятга тақлид қилувчи хулқ-атвор моделини қўллаш; телефон суҳбатини текшириш; маълумотлар тўплаш; намуна олиш; тезкор харид; қидирув итларидан фойдаланиш; шахснинг белгилари бўйича излаш ва шахсини аниқлаш; ахборот тўпловчи ноқонуний қурилмани излаш; ҳуқуққа хилоф ҳаракат изини ноошкора олиш, қайд этиш, уларни дастлабки ўрганиш; жиноятга тайёрланаётган, содир этаётган ёки содир этган шахсни таъқиб қилиш ва уни ҳибсга олиш; гувоҳлар иштирокида ҳибсга олинган шахсни шахсий тинтув қилиш ва улардан жиноий фаолият билан боғлиқ бўлиши мумкин бўлган нарса ва ҳужжатларни олиб қўйиш, шунингдек турар-жой бинолари, иш жойлари, бошқа жойларни, транспорт воситаларини текшириш; қуролланган жиноятчиларни қўлга олиш бўйича операцияларни ўтказиш; кузатиш; *махсус тезкор-қидирув тадбирлари*: ноошкора шахсни ёки жойни аудио ёки видео назорат қилиш; ноошкора усулда электр (телекоммуникация) алоқа тармоқлари орқали узатиладиган маълумотларни ушлаб қолиш ва назорат қилиш; абонентлар ва (ёки) абонент қурилмалари ўртасида боғланишлар ҳақида ахборот олиш; ноошкора жойларга кириш ёки қўздан кечириш[6] каби тезкор-қидирув тадбирлари амалга оширилади.

Россия Федерациясида уй-жойдан содир этиладиган ўғирликни олдини олишда ҳуқуқбузарликлар профилактикасини амалга оширувчи давлат органлари ва Полиция ходимлари билан ҳамкорлида умумий, махсус яқка[17] тартибдаги профилактик чора-

тадбирлар амалга оширилиб, ушбу жиноятни самарали фош этишда “Тезкор-қидирув фаолияти тўғрисида”ги қонунига биноан сўров, маълумотлар тўплаш; қиёсий текширув учун намуналар олиш; текширув учун харид қилиш қилиш; предмет ва ҳужжатлар ўрганиш; кузатиш; шахснинг айнанлигини аниқлаш; бинолар, иншоотлар, жойнинг участкалари ва транспорт воситасини текшириш; почта жўнатмалари, телеграф хабарларини назорат қилиш; телефон сўзлашувларини эшитиш; алоқанинг техник каналларидан ахборот олиш, тезкор киритиш; назорат остида етказиб бериш, тезкор эксперимент, компьютерь маълумотини олиш[16] каби тезкор-қидирув тадбирлари амалга оширилади.

Қирғизистон Республикасида уй-жойдан содир этиладиган ўғирликни олдини олишда Полиция органлари билан ҳокимият идораларининг ҳамкорлигида умумий профилактик тадбирлар, полиция тизимидаги ҳуқуқбузарликлар профилактикаси хизматини профилактика инспекторлари томонидан яқка тартибда[11] профилактик чоратадбирлар амалга оширилиб, уй-жойдан содир этиладиган ўғирликни “иссиқ изи”да фош этиш борасида полиция тизимидаги тезкор бўлинмалар ходими томонидан тезкор-қизиқиш уйғотувчи шахсларга нисбатан “Тезкор фаолияти тўғрисида”ги қонунда назарда тутилган фуқароларни сўров қилиш; маълумотлар тўплаш; қиёсий текширув учун намуналар олиш; текширув учун харид қилиш; предмет ва ҳужжатларни текшириш; шахснинг айнанлигини аниқлаш; бинолар, иншоотлар, жойнинг участкалари ва транспорт воситаларини текшириш; телефон ва бошқа алоқа қурилмалари орқали ўтказилган сўзлашувларини эшитиш ва ёзиб олиш; алоқанинг техник каналларидан ахборот олиш; тезкор киритиш; тезкор кузатув; тезкор эксперимент; тезкор аниқлов; техник воситаларни қўллаб шахсий ҳаёт дахлсизлигига, уй-жой, шахсий ва оилавий сирларнинг дахлсизлигига таъсир қилмайдиган маълумотларни, шунингдек шахсий депозитлар ва жамғармалар, ёзишмалар, телефон суҳбатлари, почта, телеграф хабарларини олиш; ахборот олувчи ноқонуний техник воситаларни излаш; алоқа каналлари ва тармоқларида тезкор излов; ноошкора сўзлашувларини эшитиш ва ёзиб олиш (аудио, видео қурилмалари ва махсус техник воситасидан фойдаланган ҳолда); абонентлар ва (ёки) абонент қурилмалари ўртасидаги боғланишлар тўғрисида маълумот олиш”[8] тезкор-қидирув тадбирлари вазиятдан келиб чиққан ҳолда амалга оширилади.

Тожикистон Республикасида уй-жойдан содир этиладиган ўғирликни олдини олишда полиция тизимининг соҳавий хизматлари томонидан умумий, яқка ва махсус[9] профилактик тадбирлар амалга оширилиб, мазкур жиноятни “иссиқ изи”да фош этишда полиция органларининг тезкор бўлинмалари томонидан “Тезкор-қидирув фаолияти тўғрисида”ги қонунда белгиланган тезкор сўров; маълумотлар тўплаш; қиёсий тадқиқотлар учун намуналарни тезкор йиғиш; шахсий изқуварлик; текшириш учун тезкор харид қилиш;

предметларни, ҳужжатларни ва объектларни тезкор ўрганиш; тезкор кузатув; шахснинг ёки объектнинг айнанлигини тезкор аниқлаш; уй-жой, бинолар, иншоотлар, ер майдони ва транспорт воситаларини тезкор текшириш; телефон сўзлашувларини эшитиш ва ёзиб олиш; алоқанинг техник каналидан ахборот олиш; тезкор киритиш; тезкор эксперимент[3] каби тезкор-қидирув тадбирлари амалга оширилади.

Беларусь Республикасида уй-жойдан содир этиладиган ўғирликни олдини олишда олишда полиция тизимининг соҳавий хизматлари ва профилактик ишларни амалга оширувчи ваколатли бошқа субъектлар томонидан умумий ва махсус (комплекс дастурлар асосида), яқка тартибдаги [4] профилактик тадбирлар амалга оширилиб, мазкур жиноятни фош этишда полиция органларининг тезкор бўлинма ходимлари томонидан тезкор-қизиқиш уйғотувчи шахсларга нисбатан “Тезкор-қидирув фаолияти тўғрисида”ги қонунга биноан тезкор сўров; маълумотлар тўплаш; намуналар йиғиш; компьютер маълумотлари, предмет ва ҳужжатларни текшириш; шахснинг айнанлигини аниқлаш; тезкор кўздан кечириш; кузатув; текшириш учун харид қилиш; овоз назорати; телекоммуникация тармоғида назорат; тезкор киритиш; тезкор эксперимент”[5] каби тезкор-қидирув тадбирлари амалга оширилади.

Уй-жойдан содир этиладиган ўғирликни олдини олиш ва фош этишнинг айрим чет эл давлатлар тажриба таҳлили асосида қуйидагиларни:

биринчидан, Европа ва МДХ давлатларида уй-жойдан содир этиладиган ўғирликни олдини олиш мақсадида умумий, яқка, махсус профилактик ҳамда бошқа таъсирчан чора-тадбирлар амалга оширилишини;

иккинчидан, уй-жойдан содир этиладиган ўғирликни олдини олишнинг олдини олишда давлат органлари ҳамда ҳукумат томонидан ишлаб чиқилган махсус дастурлар асосида чора-тадбирлар белгиланишини;

учинчидан, уй-жойдан содир этиладиган ўғирликни фош этишда тезкор сўров; тезкор маълумот олиш; қиёсий тадқиқотлар учун намуналар тўплаш; нарс ва ҳужжатларни тезкор кўздан кечириш; ички ва ташқи кузатув; шахсни аниқлаш; бинолар, иншоотлар, ерлар, транспорт воситаларини текшириш; телефон сўзлашувларини назорат қилиш; тезкор киритиш; тезкор эксперимент каби тезкор-қидирув тадбирларини самарали ташкил этиш ва ўтказиш;

тўртинчидан, ҳудуддаги криминоген ва ижтимоий вазиятни доимий равишда назорат қилувчи барча кузатув камераларни мониторинг қилиш тизими асосида мазкур жиноятлар “иссиқ изида” фош этилиши мумкин.

Уй-жойдан содир этиладиган ўғирликни олдини олиш ва фош этишнинг илғор хорижий тажриба таҳлили асосида қуйидагилар таклиф этилади:

биринчидан, мазкур жиноятларга самарали қарши курашда республика миқёсида “Хавфсиз ховли”, “Хавфсиз хонадон”, “Хавфсиз ташкилот” деб номланган уй-жойдан содир этиладиган ўғирликни олдини олишга хизмат қилувчи умумий, якка, махсус ва виктимологик профилактик тадбирларни ташкил этиш ва ўтказиш. Ушбу тадбирни ўтказишда бюджет ва бошқа мағлағлар ҳисобидан ховлилар, кўп қаватли уйларнинг кириш эшиклари, корхона, муассаса ва ташкилот биноларининг хавфсизлигини таъминлаш (*чироқлар ўрнатиш, кузатув камераларини ўрнатиш, кириш эшиклари учун кодлар ва домофонлар ўрнатиш, ховли деворини мустаҳкамлаш ва бошқ.*) чораларини кўриш лозим;

иккинчидан, уй-жойдан содир этиладиган ўғирликни кескин камайтириш, мазкур жиноятни содир этган шахсларга нисбатан жавобгарлик муқаррарлигини тушунтириш борасида аҳоли орасида таъсирчан тарғибот ва ташвиқот ишларини тизимли равишда ташкил этиш ва ўтказиш;

учинчидан, уй-жойдан содир этиладиган ўғирликни олдини олиш ва фош этишда тезкор ходимлар томонидан сўров; маълумотлар тўплаш; шахснинг айнанлигини аниқлаш; турар жойларни ва бошқа жойларни, биноларни, иншоотларни, жойнинг участкаларини, транспорт воситаларини текшириш; тезкор кузатув; тезкор киритиш; тезкор эксперимент; телефонлар ва бошқа телекоммуникация қурилмалари орқали олиб бориладиган сўзлашувларни эшитиб туриш, улар орқали узатиладиган ахборотни олиш; абонентлар ёки абонент қурилмалари ўртасидаги боғланишлар тўғрисида ахборот олиш каби тезкор-кидирув тадбирларини самарали ташкил этиш ва ўтказиш лозим;

тўртинчидан, уй-жойдан содир этиладиган ўғирликни олдини олиш ва фош этишда бюджет ва бошқа маблағлар, ҳомийлик ҳисобидан ҳар бир маҳалла кесимида маъмурий ҳудудга ўрнатилган кузатув камерасини маҳалла ҳуқуқ тартибот масканида ташкил этилган 24/7 муддатда хизмат кўрсатувчи тезкор оператор бошқарув хонасига интеграциялаш, хонадонлар ва ташкилотларни тизимли равишда Миллий Гвардияга қўриқлашга топшириш тавсия этилади.

ХУЛОСА

Хулоса ўрнида айтиш жоизки, уй-жойдан содир этиладиган ўғирликни олдини олиш ва фош этишнинг хориж тажрибаси ва иш услубини қўллаш, уй-жойдан содир этиладиган ўғирликни камайтиришга хизмат қилади.

ФОЙДАЛАНИЛГАН АДАБИЁТЛАР РЎЙХАТИ

1. Важенина И.В. Некоторые аспекты правоохранительных органов Великобритании в организации международного полицейского сотрудничества // Академическая мысль. 2019. № 2 (7). С. 68–71.
2. Васильев Д.В. Концепции организации деятельности полиции и возможности их

пользования в отечественной практике (По материалам США и некоторых стран западной Европы): Дис. ... канд. юрид. наук (12.00.11). – М., 2005. – С.74-75.

3. Закон Российской Республики Таджикистан от 25 марта 2011 года № 687 «Об оперативно-розыскной деятельности» // Электрон манба: <http://www.ncz.tj/content> (Электрон манбага мурожаат қилинган вақт: 27.03.2024).

4. Закон Республики Беларусь от 4 января 2014 г. №122-З «Об основах деятельности по профилактике правонарушений» // <https://www.pravo.by>. (Электрон манбага мурожаат қилинган вақт: 28.02.2024).

5. Закон Республики Беларусь от 15 июля 2015 года №307-З «Об оперативно-розыскной деятельности» // Электрон манба: <https://base.spinform.ru/> (мурожаат вақти: 29.03.2024).

6. Закон Республики Казахстан от 15 сентября 1994 г. № 13 «Об оперативно-розыскной деятельности» // Электрон манба: <https://online.zakon.kz>. (Электрон манбага мурожаат қилинган вақт: 01.03..2024).

7. Закон Кыргызской Республики от 25 июня 2005 г. № 82 «О профилактике правонарушений в Кыргызской Республике» // Электрон манба: www.cbd.Minjust.gov.kg. (Электрон манбага мурожаат қилинган вақт: 02.03.2024).

8. Закон Кыргызской Республики от 16 октября 1998 года № 131 «Об оперативно-розыскной деятельности» // Электрон манба: <http://cbd.minjust.gov.kg/> (Электрон манбага мурожаат қилинган вақт: 03.03.2024).

9. Закон Республики Таджикистан от 2 января 2020 г. №1658 «О системе предупреждения и профилактики правонарушений несовершеннолетни» // Электрон манба: <http://continent-online.com>. (Электрон манбага мурожаат қилинган вақт: 04.03.2024).

10. Закон Республики Украины от 18 февраля 1992 г. № 2135-XII «Об оперативно-розыскной деятельности» // Электрон манба: <http://online.zakon.kz>. (Электрон манбага мурожаат қилинган вақт: 19.03.2024).

11. Закон Кыргызской Республики от 25 июня 2005 г. № 82 «О профилактике правонарушений в Кыргызской Республике» // Электрон манба: www.cbd.Minjust.gov.kg. (Электрон манбага мурожаат қилинган вақт: 10.03.2024).

12. Маркушин А.Г., Морозов О.Л. Совершенствование правового регулирования совместной оперативно-розыскной и уголовно-процессуальной деятельности полиции – залог повышения эффективности раскрытия и расследования преступлений (история и современность) // Юридическая наука и практика. 2019. № 2 (46). С. 110–117.

13. Матлюбов Б.А., Мухамедов Ў.Х. Полиция учун кадрлар тайёрлаш: Туркия тажрибаси ва INTERPA фаолияти: Ўқув қўлланма. – Т.: Ўзбекистон Республикаси ИИБ

Академияси, 2018. – 62 б.

14. N.A. Nigmatov, G.V. Bushin, A.I. Kurtyak specificities of operational and investigative activity performed by officials and operational Units of states abroad by the case of UK and Germany / DOI 10.26163/GIEF.2021.72.46.014 УДК 34(075.8) // Журнал правовых и экономических исследований. Journal of Legal and Economic Studies, 2021, 1: 77 – 82.

15. Полиция зарубежных стран: система организации и опыт профессиональной подготовки кадров: Учебное пособие / Якубов А.С., Асямов С.В., Таджиев А.А., Миразов Д.М. – Т.: Издательство “Fan vet texnologiya”, 2010. – 452 с.

16. Федеральный закон Российская Федерация от 12 августа 1995 года № 144-ФЗ «Об оперативно-розыскной деятельности» // Электрон манба: <http://www.Consultant.ru>. (Электрон манбага мурожаат қилинган вақт: 23.03.2024).

17. Федеральный Закон Российской Федерации от 23 июня 2016 г. №182-ФЗ «Об основах системы профилактики правонарушений в Российской Федерации» // Электрон манба: <https://mvd.ru/document>. (Электрон манбага мурожаат қилинган вақт: 22.03.2024).

18. Хамдамов А.А. Особенности информационно-поисковой системы полиции зарубежных страна в борьбе преступностью // Жиноятчиликка қарши курашда тезкор аппаратлар фаолиятини такомиллаштиришнинг долзарб муаммолари: Илмий мақолалар тўплами/ Масъул муҳаррир юридик фанлар доктори А.А. Хамдамов. – Т.: Ўзбекистон Республикаси ИИБ Академияси, 2014. – Б.3-15.

19. The Guardian (Великобритания): изнанка преступного мира Великобритании XXI века// Россия сегодня. ИноСМИ: [сайт]. URL: <https://inosmi.ru/social/20190711/245449259.html> (Электрон манбага мурожаат қилинган вақт: 17.02.2024).

20. <https://Aniq.Uz/Yangiliklar/Buyuk-Britaniya-Dukonlaridagi-Ugirliklar-Soni-18Foizga-Oshdi> (Электрон манбага мурожаат қилинган вақт: 18.02.2024)

21. <https://www.golosameriki.com/a/cn-china-us-travel-warnings/4945275.html> (Электрон манбага мурожаат қилинган вақт: 17.03.2024)

22. <https://www.bbc.com/news/world-asia-37218033>. (Электрон манбага мурожаат қилинган вақт: 17.03.2024).

23. <https://www.saps.gov.za/crimestop/missing/list.php/> (мурожаат вақти: 18.03.2024).